

QUOTES

“We must allow the Word of God to confront us, to disturb our security, to undermine our complacency and to overthrow our patterns of thought and behavior.”

— John Stott

“I can safely say, on the authority of all that is revealed in the Word of God, that any man or woman on this earth who is bored and turned off by worship is not ready for heaven.”

— A.W. Tozer

North Delhi Vengbuk Kanna



Safdarjung Vengbuk kanna



An Organ of the Hmar Christian Fellowship Delhi

HREPUITU

HREPUITU | VOLUME: XIX | ISSUE: 11 (MARCH-APRIL, 2024)



ONE DAY CRUSADE (DoMYA)

Please visit HCFD official website:
<https://hcfcd.in/>

HREPUITU

Hmar Christian Fellowship Delhi
Chanchinbu Thlakip Suok
(Regd.No.: S/ND/599/2015)
Vol. XIX/No.11 (March-April,
2024)

Managing Editor:

Pu Herbert Lalsanglur

Joint Editors:

Pu Rohminglien Songate

Pastor Steven Lalzarzolien

Infimate

Printing/Circulation:

Pu Robert Penatu

Address:

Managing Editor, Hrepuitu,
Fellowship Centre, Base-
ment, H. No. 57, Munirka,
Delhi- 110067

email: hrepuitu@yahoo.com

Hrepuitu a article insuo hai,
ngaidân suklanga um (hai)
hi HCF Delhi ngaidan a(n) ni
chuong kher nawh. Ziektu tin
mawphurna a ni lem. Pathien
thu le article insuo nuomhai
chun iengtiklai khawma edito-
rhair email ah thu ziek hai chu
pek thei zing a nih.

- Editor

A SUNGA THU UMHAI

03 EDITORIAL

**04 SAKEIBAK-
NEI HRAT HLE
SIENKHAWM**

**06 MIHRIEM LÊT SÂNG
TAMA THIL THAW THEI
PATHIEN**

**08 HRIL SIETNA
KHAWM MALSÂWM-
NAA INCHANGTIR
THEI**

**10 THLANAH A UM TA
NAWH, A THONAWK
TAH**

12 LUM LO DEI LO

KOHRAN SUNG CHANCHIN

ONE DAY CRUSADE HMANG A NIH

March 2, 2024 khan Hmar Christian Fellowship Delhi (HCFD) Department of Music and Youth Affair (DoMYA) chun a year plana a lo induong lawk angin ONE DAY CRUSADE thralai thruoituhai (Thalai Committee, Worship Team, Area Cordinators & Media Team) ta ding bikin a lo buotsei a YWCA Conference Hall, Sector -10, Dwarka, New Delhi hmunah a lo buotsei a. HLANBIEKNA HRING (Rom 12: 1-2) ti thupuia hmangin ei pastorhai pastor Lalditsak, pastor Lalsiesang le Pastor Steven Lalzarzolien haia inthokin Pathien thu ngaithlak a ni a, program hlawthling taka hmang a nih.

Hi ni hin Dwarka vengbuk haiin theitui le bei refreshment inhnik takel thralaihai an lo tum pek leiin Dawrka vengbuk hai chungah Thalaipawl a lawm takzet a. Chun Pi Lalsiemtling Penatu le Pi Puii Hrangchal haiin One Day Crusade programme thanghai fak ding bu le hme an hung suong pek a, Pu Lalthuoisuok Pudaite in ama motorin bu le hmehai a va hung thak pek boka, an chungah thalaihai an lawm bek bek a, Lalpan a let tamtaka malsawm ngei dingin ditsakna an inhlan bok a nih.

VENGBUK KANNA NEI

March thlaa inthok khan thalai committee le worship team inkawpin vengbuk kanna an nei tran ti chanchin ei lo hrieta lawm a um takzet. March 9, 2024(Saturday) zan khan Safdarjung Enclave vengbuk hai Thalai OB le Worship Team hai inkawpin Pu Stephan Lungtau in ah in kanna programme hi inhoi le hlawtling taka hmang a nih. Hi huna hin Pu David Johnson Hmar a inthawkin Pathien thu sharing ngaitlak a ni a, chun hi zana inkantuona huna thawlawm chawikhawma um hai hi Safdarjung Vengbukin Thalai Missionary Fund a dingin an pek vawng khela refreshment hnienghnar takel an lo buotsei baw. Vengbuk Thuoituhai le mipuihaiin inhawng taka Thalai thuoituhai an mi lo welcome kha a hluin a ropui takzet.

Chun, April 6, 2024 (Saturday) zan khan North Delhi vengbuk hai Thalai OB le Worship Team hai inkawpin Dr. Abigail In West Mukherjee Nagar hmunah kanna programme hi inhoi le hlawtling taka hmang a nih. Hi huna hin Pu Robert Penatu a inthawkin Pathien thu ngaitlak a ni a, chun hi zana thilpek chawikhawma um hai hi North Delhi Vengbuk haiin Thalai General Fund a dingin an pek vawng a nih. Vengbuk Thuoituhai le mipuihaiin inhawng taka an lo welcome na thua Thalai thuoituhai an lawm takzet.

chu Krista'n hmun chang ta lo. Thaw thra inti em emin ei trin a, biekin kai nawhai leh danglamna nei chuong loin ei nun ei khal nawka. In khom ei tlung hman hmain an khawm ve nawhai ei dem hman ta hlak. Mi fena na ei fe thei a, mi thaw thaw ei thaw theia, mi fak fak ei fak thei boka, ei khawsak dan le ei um dan po hih mi umdan leh ei khai khin a, thra lem, fel lema ei ingai sung phot chu ei lungri-lin thiem ei inchang fawma, mi dang hai umdan anga ro rel pek ding hlak inni lo, Bible thu anga rorel pek ei ni lem ding bok si. Hieng baka suol le inchalrem (compromise) ringtu hringnun hi a um ta chuong ding am a nih?

Anachu, Pathien hih a thra hin a thra hrim hrim a, ei suol leia hrem thlak cho ei ni lai khomin ei chung a za a ngaia, a lunginsietna leiin ei phu lo hun thra le malsawmna tam takin a mi vur zing bok ei vangnei takzet a nih.

Lalpa'n "Ka hmangai chu zilin ka thunun hlaka, chuleiin, ka thu ngai la, sim rawh" (Vs 19) a ti angin ei nun dan renga inthok hin ei sim phot naw chun ei truo suok thei naw ding a nih ti a chieng em em.

Hi hi chang hin nautak, ringtu (believers) ni ngei dinga ringna a min nei tir a. Chuong lai zingin khawvel mi popo Lalpan ami hmangai seng annawm, ringtu anni tina a ni chuong nawh ti pawl an um tho a. Amiruok-

chu hmangaina leia zilhauna chu nau-takhaiin an dawnghlak ti chu ei hriet tlata, chuleiin ringtu anlo ni tam, an la ni naw am, Lalpa chun a hmangaia a thu ngaia sim dingin a dit a nih.

Thu kharna:

Laodikei kohran ngirhmun hih Lalpa ngaia chun lem harsa, lu-oksukum le hmangna ding umlo, baua inthoka pitsak hmabak el ni ta sienkhawm Isu Krista chun a la hman-gai zinga, chu lei chun hun thra dang a la keisei peka, chu chu simna hun thra anih. Hmangaina tak chu zilhauna le thununna in a zui hlaka. Hmangai tak tak naw sien chu an chang chang chang dingin peisak tang a ti ring a um.

Kohrana Lalpan an din nasan khom hre ta lo ani leiin thaw ding khom a hriet ta naw ni ngei a ta, Isu Krista in leng ta lo Kohran ani leiin thilthawtheina a tlasam hle ta khom ning a tih a thaw thrat ei hmu ve naw tlat hih. Isu'n a khawsak dan a ngai theinaw takel chu lum lo dei loa a um hih anih. A tui fak lum puot el inhnik naw tak ang el hin Krista ta ding chun inhnikna a nei ta naw a, a khawsak dan indiknaw hih a ban vat naw chun peisak hmabak el a nih. Nang le kei khom inbie chieng ei ta, sim ding ei neihai Lalpa hma bula simin a kuom tieng kir nawk hlak ei tiu. Lalpan a thu mal mi sawm pek raw seh.

Editorial

HNAITE A UM PATHIEN

"Ngaita kawtkhar bula ngirin ka kik hih; tu khom ka rawl hre a kawt mi hong pektu kuoma chun lutin a kuoma zan bu kil ka ta, ama khomin ka kuoma kil bok a tih." (Thupungsuo 3:20)

Hi thu hih Laodikei kohranhai kuoma Lal Isu Krista thucha a nih. 'Kawtkhar bula ngir' ti hih a hnai zie (nearness) a hrilna khom a ni thei a, kot zuk hong keka lut nghal el thei ngirhmun ni ngei dingin ring a um. Hla taka inthoka kot kik ei hriet ngai meu naw a, a tlangpuiin kot bula nigrin kot ei kik hlak a nih. Chun mi'n kot a kik hrim hrim chun insungah a lut nuom amanih, annawleh insunga um hai inbiekpui a nuom lei dam a ni hlak. Lal Isu Kristain kot a kik el hih ngaituo tham a tling a nih. Kik loin lut el sienkhawm tukhomin hril thei an nei naw ding vei leh. A va polite em em de aw! Lal Isu hih ei insunga hung lut dingin ei tuola kot kikin ngir el sienla chu iengtinam um ei ti aw..A hawng pek nuom naw ruok chu ei um ka ring nawh.

Lal Isu bawkin, "tukhawm" a ti hin mitin a naupang taka inthoka a upa tak chenin a huom vawnga, mi thra le a fel hai cho niloin misuol tak khom a huoma, tuol thattu khom, uire hmang khom, nawchizawr khom, drugs addict khom, zu ngol voi khom, khawvel mihriem hrim hrim ieng vun rawng le ieng hnam khom nisienla a huom naw a um nawh. Hieng neka kengrawn tu khawm an la um ngai nawh. Chuong lai zing chun, kengrawn hle sien-lakhawm kot hawng pek tuhai kuoma chau lutin zanbu a kil pui ding a nih. Pathien thilthawthei tak nisienlakhawm a lunginsietna huna hin tukhawm a thawlui ngainaw a, an ditthlangna an za leiin kot kikin a nghak lem a nih.

Nang le kei min pawlpui nuoma ei lungril kot Lalpan a kik hlak hih hre loin um pal ei tih ti inlau a um takzet. Nitinin Pathien rawl hih ngaiven takzet inla chu hre loin nikhat khom ei hmang liem ka ring nawh. Harsatna dam hmangin ei lungril kot akik theia, bawrsawmna a inthok khomin a mi biek thei boka, thilsiem haia inthok khomin a mi biek thei boka, mobile phone hmang khomin a mi biek thei boka, whatsapp, facebook, twitter, snapchat, instagram le a dang danghai khom hih a rawl ei hriet theina ding hmangruo poimaw tak tak vong an nih. Pathien chu hla taka um ani naw a, hmunkhat chaua um ani bok naw a, khawlai khom a um ang bokin (Jer.23:23) hnaita um Pathien a nih. Kotkhar bula um zing le kot hawng pektu taphot kuoma luta, zanbu kilpui ding le ama ngei khom Lal Isu kuomah a kil ding a nih ti chieng takin ei hmu.

SAKEIBAKNEI HRAT HLE SIENKHAWM

~Dr. Dony Tuolte

*Sakeibaknei vanglai khawm hi,
Fak ding tlasamin a chau thei;
LALPA zawngtu ruok chun thil tha,
Ieng khawm tlak sam an nei si nawh. Sam 34:10*



Ṭumkhat chu Television channelah pakhat ka en a. Chu channel a chun sakeibakneiin ramsa an hnawt thlur ka en fuk hlau a. Sakeibakneiin that dinga ramsa an hnawt thlur ka hmu chang ka mit an sukkham hlak. Ramsa an man ta hlak inthla nawk reng a um nawh. Tawite sungin an keidar vawng el. An ro rum taluo leiin ‘lawm lawm haiin ti’n ka en liem nawk hlak. Sienkhawm siemtu Pathienin an fak zawng dan dinga a ruot pek a ni si a.

Sakeibaknei hi ro rumin hrat hai sien khawm fak an zawng dan hi lungsiet an um ka ti let ling hlak. An hratlai chu ramsa an nuom nuom an hnawt leng a. Ramsa hlak an chik an hriet. An ringa/awr an se ta chu an inthla mei mei ta si nawh. Tawite sungin an kei chen vawng el. Hieng lawma hrat khawm nisien an hratna’n tawp chin a nei. An hrat naw hun, an tar huna, an fak ding ramsa an hnawt thei ta naw hun chu thi chauh nghaka um an nih. Satene hawnin an nuom nuomin an sawi sak thei a nih.

*Ngai unla, fimkhur ro, in
hmelma diebawl chun sakeibaknei
inrum angin se ding zawngin ave
zing cheu a nih. 1st Peter 5:8*

Muvanlai angin sakeibaknei an hringna an cher thar thei nawh.

Lungsiet an um khawp el. Ṭumkhat Television ka en chun sakeibaknei hi ringtu, Krista boa hringnun hman, Isu thang loa Kristien nun, thlarau thienghlim thuoi loa ringtu nun le ka tekhi ta tlat el. Mani thahnemngaina le hratna’n rawngbawlin kal pen hlak inla khawm thaw peilo hun, in thlada hun a um tei hlak. Khawvel inpak derna le hming thatna hnawtin rawngbawlin tlanvel inla khawm Kristo bo chun lungngai beidawngna chauhina a tawp nawk hlak. Khawvel ropuina le hausakna khawm nei inla, hun sawt reng dai naw nih. Krista bo chun khawvel boral ruola boral nawk vawng ding a nih.

Hi hnuoiah mi hausa le cheth-ei, rorelna khawl chel thei an tam. Thu an neia, an ropui baw. An chet thei lai chu ti khawm an nei nawh. Thuneina

siemsuoktu le thawndar tu nisienkhom thlaraua a saruokna chu a khum thei chuong naw a, mit damdoi siem thiema inthang nisienkhom a mit indelna ta dingin damna an tlun thei bok nawh. Insuonga an dittawkna popoa chun a thlarau ta dinga thrathnempui ding iengkhom a um nawh. Chuleiin, Lal iau’n thurawn a pek a nih.

Isu Krista Thurawn:

Lalpa Isu Krista’n thurawn a peka, I hausak theina dingin meia rangkachak raw thieng hnung chu ka kuoma inchaw la, I saruokna inkhumna dingin zakuo var le I mita I hmu theina dingin mit damdoi inchaw rawh a ti nih (Vs.18).

Rangkachak raw thieng hnung chun rinumna le suknawmnatna kara inder suok ringtu nun, Pathien hratna le thilthawtheina a in ngat tlat an entira.

Zakuo var chun Krista felna le a thienghlimna silfen mawi an entira. Mit damdoi chun thlarau mitvarna, mani thlaksam le mamaw hriet theina dam, hma tieng thlirlawk theina dam an entir bok anih.

Taksa mit a poimaw ang bok hin thlarau mit khom a poimaw a, taksa mit indel nekin thlarau mit indel hi tri a um lem boka. Lalpa ditdan anga Kohran chun kal a chawia a luong suok tak tak theina ding chun mitvarna, hmulawk theina (prophetic vision) a nei a trul anih.

Thuvarhai 29:18 a chun
HREPUITU

“Hmulawkna a um nawna hmuna chun mipui an inthlada hlaka, dan zawmtuhai ruok chu an hamthra”(DV) a ti nih. Vision nei ta lo Kohran chu lum lo dei lo ngirhmuna um a nih. Hmulawk theina a nei naw chun a hmabak chu chiaina dam, inthuruol nawna dam le triek dar dam chu ning a tih. Hienghai popo hih Laodikei kohranin a mamaw tak hai chu an nih. An pasietna le saruokna hmu theilo dingin a mit an del tlat a nih ti ei hmuh.

Khawvela ei um sung chu ei nitin khawsaknaa ei mamaw thilhai dam, sil le fen, in-le-lo le thil dang dang ei mamaw le ei dithai hin ei lungril a hl原因 em em a, an in lang lien leiin hmu khom a awl em em boka. Thlaraua ei pasietna ruok hi chu hmu harsa ei ti hle thung.

Thlaraua hin ei pasie I ti am? annawleh ei hausa I tih? Revival hih poimaw in ei inhriet am? An nawleh ei la um thei trawk trawk tho ei ti ding. Thlaraua pasie chu a hming hming chun ei inti diet diet el thel, thlarau tieng nenetui tui pol lo ruok hih chu ei chak hran chuong naw nisien a hawi. Chak inla chu Lalpan mi’n dawntir zing a tih, an ro awm si nawh.

Pasie a khom pasie double, taksa a pasie bok, thlaraua pasie bok, incher thar lo nun, ngeina nei ta lo, hmangna ding um lo, lum lo dei lo ei ni zo tah an nawm a nih. A hmingin biekina ei fe a, thuom mawi tak tak kin ei inbela, ei lungril rama ruok

10. A awlsam zawng le an hoi zawng ringot hnawta a hminga um ve mei mei.

11. A hmingin kohran chu la ngir de sienkhom thilthawtheina nei talo.

12. Chapona.

Laodikei kohran bika ding chun an chapona leia Pathien ta dinga inhnika nei lo, Pathien ngaisak nawna leia lum lo dei lo ni tak dingin an inlang.

Application:

A chung a point 12 hai khi ei mimal nun le kohran pum khawma ei in en fiena dinga poimaw tak tak niin an lang. Laodikei kohran ngirhmun hi ei ngirhmun alo ni ve pal el am? Ei ngirhmun in enchieng nadinga dathlallang thratak ni thei dingin ring a um. Kohran ang le ringtu mimal tin ta dinga in enchiengna ding poimaw tak el anih.

Isu'n Jn.15:5 a chun "Ka thrang naw chun iengkhom in thaw thei si nawh" a lo ti a. Intodel tak le iengkhom mamaw neia an inngai naw lai zingin an sung tieng thlarau ruok chu a nge in a fak siet zinga, Krista an leng ta naw leiin thilthawtheina bo der an ni tah ti hriet theiin a um. A lum amanih a dei amanih a ni naw chun a hmabak chu peisak a nih.

Kohran rongbawlna hih a member tam ang zong dam, a building ang zong dam le sum le pai thila a neinungna ringawta inkhi chawt el

chi a lo ni nawh. Kohran innghatna chu member tam khom a ni naw a, sawma pakhat tam khom a ni naw a, Isu Krista a nih. Member tam hih ei thupui khopela, memberhai khomin ei member nina kohran seng chu ei kop nget thei fu khopel. Rick Warren chun "kohran member hai hih member sathlie el ni loin disciple seng ding ei nih", tiin a hrila, an dik khopel in ka hriet. Chu chu kohran khomin a thiltum tlat ding awm hrim a nih. Ei inkhawmna biekin hai hih memberin ei bit a, Krista hnung indik taka zuitu tak tak hi ieng zam um ei ti aw? ti hi ngaituo um tak a nih. Member chena ei lung a awi tawka, disciple tak tak ni dinga inthranglien chu ei tum chuong nawh nisien a hawi.

"Ka hausaa, iengkim ka hau a, tlaksam ka nei nawh" a ti lai zingin thlaraua ruok chu mi rimsi, mi lungsi-etum, pasie, mitdel le saruok el a nih ti ruok chu an hriet der nawh.

Laodikei kohran hi mani intodel kohran a nih. Mani intodel chu a thra, Krista thranglo chun chapona le lunginsietna hnawlna a nih. Laodikei kohran hin a thil nei a suong a, a petu le a neitu tak tak ruok chu a hriet fuk nawh. Ama hratna le theinaa a thaw-suok hai khan hausakna tak tak a pek naw a, a saruokna an khum hne naw a, a mitna a sukdam hne bok naw nih.

Khawvel hrieta an thang luoi luoina, a hausakna chu thlaraua a pasietna ta dingin a trangkai naw a, sahmul dum

HREPUITU

khawl kengkaw an ni leiin, an fena tieng tieng inpak an hlauw hlak. Anni dodaltu chu an inhleng dawr dawr el hlak. Sienkhawm khawvela inlalna le hausakna, rosum ringawt hin mihriem hlimna le lawmna a pek thei nawh.

Sakei khawmin ramsa a thatin a sa a fak. A zinga ding sie thatna chang reng a hriet nawh. Khuo a var a, a fak ding buoipuiin ramsa an chan nawk el. Hiengang reng reng hin a damsung ni a hmang zo. Krista boa ringtu khawm hiengang tho ei ni hlak.

Khawvela hin ieng khawm ei lutpui naw a, ieng khawm ei suokpui thei bawk nawh.

"Hausak nuomtu hai ruok chu thlemnaah an lut a, chakna in-vet thlak le tiumah an inawka, siet-na le boh mangna khurah an tlu lut hlak." 1 Timothe 6: 6 & 8

Khawvel roreltu an hung chaw, lalna an kengkaw ta naw hnung lem chun tu inza khawm an kai ta nawh. Anni neka hratlemin a hung hnaw chep nawk a. An tla diek diek el hlak. A tawpa an rosum inkhaww khawma umzie a nei thei chuong nawh. An chu ding le a fa chek dingin mi an pung khawm lem hlak.

Krista boa ringtu, thlarau thienghlim thangloa ringtu chu hien-gang hi an nih. An tan hlimiin, parin vul hlut hlut hai sien khawm, suk hringtu thlarau thanglo chu sawt hrim

HREPUITU

a dai nawh. An zuva nawk tho tho hlak. Thlarau thuoilao ringtu nun chu tawp chin a nei hlak. An hratna anchor thar thei ta nawh. An chau sie nawk rup el hlak. Mani thahmenngaina le hratna a bo phaleh an bul nawk rup el hlak.

"Pathien Thlarau thuoia umhai po chu Pathien nauhai anni si. Chu thlarau ngei chun ini thlarauah Pathien nauhai ei nizie a mi'n hriettir hlak." Rome 8: 14 & 15

Sienkhawm thlarau thuoia ringtu ruok chu chau changni um sien khawm an hringna incher tharin a um rawp. Mupui angin an hringna an cher thar hlak. An puotieng taksa awng rawp tiel tiel hlak sien khawm an sung tieng hringna ruok chu siem tharin an tuoi thar zing hlak. Chau le upat hnunga khawm thlaraua suk hratin an um hlak. Tleirawl vanglai le hrat, thalai hai an sawla, chauin tlu hlak hai sien khawm Lalpa ringtu, ama nghaktuhai ruok chu an thlarau hringna nitinin siem tharin a um pei hlak.

Vawisun nang le keiin ieng ang hringna am ei nei ve a! Sakei anga upat le chau hnunga thi chau ng-haka um el am ei nih? Annawleh Muvanlai anga hratna incher thar nawk hlak hringun ?

Kriata neitu hringnun chu

chau hnunga khawm in sukhratin a thar nawk pei. Chau loiin hrat taka kal pen pei ram a nih. Khawvel mihai khawmin hriet thiem harsa an ti hlak. Khawvel varna le hrietna khel tieng hringnun danglam, hringna thuruk an nei leiin khawvel thilin a suk buoi phak ta nawh. Nitin Isu le hringnun an hman lem hlak.

MIHRIEM LÊT SÂNG TAMA THIL THAW THEI PATHIEN

~ John L. Pulamte

Mihriem hi uong thei tak el hi ei n'a; Pathien malsâwmna thil thlâwnpêk khawm mani theina sâwna zuk uongpui ngâh mî hi ei nih. Pathienin a thlâwna boruok tha a mi pêk chau hman hi ei hîp lût thei naw vâng a n'a. Chapona ding hi ei va zuk nei naw lâwm lâwm ngei.

Dik tak chun thing le ruo hai nêka dawrâwm lem hman hman hi ei nih. Thing chu ei phuor amani annâwleh ei ngâwr bûl khawmin a nêka inbuk lem hman hmanin a la'n der nâwk thei a; mihriem chu ei kut le ke a bawng ta chun a'n der thei ve ta ngai nawh. Ei derdêpzie hi ei hriet nawa mei a ni thi thei lo ang hiela ei khawsa hlak khawm hi. Ruo chu aw, a bul ei raw chun a der a tha nuom. Mihriem ruok chun ei thîpui thei ve thung.

Ei thienghlîmna tak khawm Pathien ngaia chu puontiek tirdakum tak ang a nîzie thu ei Bible-ah ei hmu. Ei tirdakum lâi tak lem chu ieng le

Damlai lam tluonga nitin kal ei chawi lai thlarau thienghlîmin ei hmaṭhuoitu ni raw seh. Lam indik mi kawkhmu dingnang le keiin thlarau inthieng fiel hlak ei tiu.

Lalpa'n ei chan senga din mal misawm pek raw seh. Amen.



hril khîpui di'm an' ta khawm ei hriet ta nawh. Chuong hlawl chu ei lo nih mi inngaisâng le chapo thei êm êm hai hi.

Lekha ei thaw thei deu leh a thiem naw deu hai ei hmusit, ei hâusa leh a rethei hai ei hnuoisie. Pathien ku hin aw mihriemhai hi a dit dân ang taka a siem ei nî leiin tû khawm hi a'n sâng bîk le a'n hnoui bîk ei um nawh. Mâni inngaisânga mi dang hnuoisie-na dâm hi Pathien thil siem hmusitna a nî hmêl hi ei hriet naw khawm ni'ng a tih. Pathienin tû khawm hi hmusituma a siem ei um nawh. Mihriemhai hi ei suol leiin Pathien thil siem ngai hlut nachâng ei hriet naw lei a nih.

lum lo dei lo a hril pek hih an tui fak lumpuot el, inhnik naw tak lei chun an hrietthiem em em ring a uma. A dei amanîh a lum amanîh hih Krista dit dan anih ti ei hmu.

Hi taka 'dei' le 'lum' hin thlarau tieng panga in entir neia a hril ni dingnang ei hrieta. Threnkhat chun 'dei' hin thlaraua thi an en tira, 'lum' hin thlaraua hring an entir niin an hril hlaka. A thra naw zawng (negative) le a thra zawng (positive) an entir ve ve a nih tiin hrilin a um hlak bok. Amiruokchu mitam tak chun 'dei' le 'lum' hin a thra zong ve ve (both positive) an entir an ti ve thunga. Asanchu tui dei chun sawl a hnema, ami sukhar sawng sawng thei a, Kolosa hmuna tlang tui dei rong rong kha an hnîkin, dangchar a hnema, an ta ding chun thlakhla um khop anih. Sienkhom Laodikei a hung tlung huna chun dei tak tak lo lum tak tak bok lo, lumpuotin a um hlak leiin anhnîk ding ang khomin anhnîk zo ta ngai naw nih. Chuong ang bokin tui lum khom chun inhnîkna a nei ve a, thlasik dei lai chun tui dei nekin du a um lema, taksa khom a suk lum pha theia, chu cho khom chu niloin mi tamtak chun taksa damna dingnang an dawnin an hman hlak anih. Chuleiin, a lum le a dei hih a thra le a sie hrilna nek hmanin a thra zawng ve ve hrilna niin an lang.

Laodikei kohran chu a khuoa an tui fak lum puot ang elin thlaraua inhnîkna a kawl ta naw a. An hausa

a, thlaksam an nei naw a, tu I thrangpui khom trulin an inhriet naw a, an khawsak inhawina chun Pathien an hlat pha hle ani ti hriet theiin a um anih. Khawsak inhawina hih Lalpan a phal naw ei ti tum naw a, chu nek hmanin a malsawmna hin Pathien hmel a hlie ding a ni nawzie ei hril nuomna lem anih.

Laodikei kohran ngirhmun tak chu lum lo dei lo a nih. Lum lo dei lo hih mimal ringtu hringnuna ding le kohrana dingnang kawkw tamtak nei thei dingnang ka ringa, chuonghai laia threnkhat hang tarlang ei tih.

1. Suol theidana le do ngamna nei ta lo kohran le mimal ringtu nunah.
2. Thlarau ramah thafan na le tho thang thratna reng reng kol ta lo – hring bok si, a kang na talo, chok leng leng.
3. A umsan (purpose) hre ta lo.
4. Pathien thutaka in thranglien tum chuong talo, indittawkw tak le huntawka inngai, hre kim ta a inngai, zawm sap ding khom neia inhrie chuong talo.
5. Hîpna nei talo.
6. Chanchinthra hrill dar na kongah ngaisam le inthlada em em ta kohran.
7. Mani inhawi tina ram chena rongbawl, a rinum le harsat ram ner ngam talo.
8. Thalaru bohman invawina nei ta lo, ringumna le indikna kengkawna ngam ta lo.
9. Thlarau mitvarna nei ta lo, hmathlir neilo.

Khawvel hriet a nina threnkhathai:

1.Hausakna (Wealth): A khuo hmun (geographical location) infuk leiin sumdawngna hmunpui pakhat anih. AD 17 earthquake khan nasatakin a suksieta, Rom sorkar tlungpuia inthokin thranguina relief fund khom a lo dawng nghe nghe. AD 60 earthquake a ruok khan chu nasatakin suksietin um nawk sienlakhom Relief fund Rom sorkara inthokin la nuom taloin ama hausakna hmangin a khawpui a siem thra nih. Chuong ang khopa khuo intodel le hausa anih.

2.Textile industry: Sahmul dum (black Wool) a siemsuok leiin khanglai khawvel hrieta chu sahmul siemsuokna hmunpuia inthang ve anih.

3.Damdawi (Medicine): Laodikei khuo hih damdawi an siemsuokna hmunpui pakhat ve ngat a nih. Medical college thratna hmun a ni bawka, damdoi, abiktakin mit damdoi, an siemsuok leiin an inthang em em bok anih.

Tui Harsatna: A khawpui hin harsatna lientak a tuok chu tui a tlawm em em hih a nih. A kuom vela khuohai Kolosa le Hirepolis haia inthok hin tui an lak a nih an ti a. Hirepolis khuo bula hin vadung tui lum hlat el (hot spring), taksa ta ding khoma thra em em, dampui thei ni ding khopa tam takin an ring a um a. Chu vadung tui, mel 6 vela hla a um chu tuilam siemin Laodikei khuoa a hin an lak

luta, Laodikei a tlung huna chun a lo dei hman ta hlaka, lum lo dei lo in, lumpuotin (lukewarm) a um hman ta hlaka. A tuia chun calcium carbonate a tam leiin lum deu puota dawn chun luoksuok um zawngin a thawk hlak an tih.

Kolosa khuo a tui ruok hih chu a dei ve thunga, dei ral ral el, inhnik tak niin an hril a. Kolosa khuoa inthoka Laodikei chen hi tuilam siemin an lak bawka. Sienkhom Laodikei a tlung huna chun a lo lum hman ta hlaka, dei lo lum lo (lukewarm) bokin Hirepolis khuoa inthoka tui ang bawk khan a hmu phak trawk ta hlak niin an hril.

Hieng popo ei zuk tarlang hmasak nasan chu Laodikei kohranhai kuoma Isu Krista lekthawna hin hmun poimaw tak a hlao lei le a lekthawna ei hriet chieng zuol theina ding a nih.

Laodikei kohran infuknawna hih anni chun an awi naw khom a ni thei a, sienkhom iengkim hretu le a bulpui, hrepuitu ringum le indik Isu Krista chun a hriet fai vonga, chu chu an kuomah an hriettir a nih.

Thlaraua an ngirhmun:

Lum lo dei lo (Lukewarm): Laodikei kohran hih an tui fak lum lo dei lo, inhnik lo tak ang el khan Isu Krista ta ding chun an inhnik ta naw a, lem an harsa ta ti chieng takin hmu theiin a um. Hi taka an ngirhmun tak

HREPUITU

Hla siemtuin,
“Hnuoi mihriem thiemna le varna a’n sâng po leh, An chungah a lêt sâng tamin nang i lo um si” a lo ti a; a hmu fûk char char ngei. Hi le inzawm hin Lalpa’n testimony a mi pêk pha hiel. Chu chu tâwi te zuk suklang vak ei tih.

Ka hril leh ka hril nâwk hlak. Sawrkâr sin thawin Vâi ramah namên lovin hmusitna le suknawmnatna hai ka tuor a. Hril sêng ding an’ nawh. Chuong lâia pakhat ka hril nuom chu a chungah hla thu ei zuk suklang le inzawm a nih.

Sawrkâr sin thaw hai chun hre deu fur ei t’a, kum khat sênga ei sin thaw that le that naw sinsiena (APAR) an mi pêk hlak a. Chu chun ei sin thaw that dân izirin marks an mi pêk ta hlak a nih. Hmun danga transfer hmûna ding le promotion hmûna ding kawnga khawm ei tlâk (qualify) am tî inkhîna taka an hmang a ni bawk. Hotu suol le mi hmusit êm êm bula sin thaw ka nî leiin ka thil thaw taphawtah lungawina le lâwmna a nei naw hrim hrim a. Transfer buoipui lâi ka ni tî khawm a hriet.

Suksiet theina po poa a mi suksiet tâk hnung khawmin la dit tâwk lovin, ka transfer hmû thei naw dân ding ngaituoin marks inzakum khawpa tlâwmin a mi pêk nâwk ta pei

HREPUITU

a. Ka mark hmû tlâwm êm lei chun ka transfer hmu ding nasa takin a mi dâl pha a. Ka lungril khawm a sâwl thei êm êm a. Kum hnî le tî veng vawng ka nghâk hnungah, inhmaw lo, muongchâng bawk lo Pathien kut a hung inlang ta a nih.

Zo nâuhai ta dinga Jerusalem, Manipur, Bangladesh le Myanmar buoina leia râtlânhai bêlbul tak le inhumhimna hmun, Mizoram-a ngei chun ka beiseina a tâwp deuthaw hnungah transfer ka hmu ta a nih. Lalpa ka lâwm che.

Nikhat chu beidawng êm êma ka um lâiin, Aizawl AG office-a inthawkin call ka dawng ta nawl a. Ieng thu’m an’ ta ding aw? tia inngaituo pumin, beisei bo tak chun ka hei pickup-a leh; ngai ta, ka thu dawng chu khawvêla thû ka dawng ta po po lâiah a hlimumin a la ropui tak el âwm. Transfer (deputation) kha ka la nuom chun hnîna hung pe lût dingin an mi hung hril a. A mi hung phone-tu khawm ka râwl ri hriet po po lâiah a la mâwi tak. Tu pa tî dânin am a nih, khaw khat nunghâk hmêl t ha takin “Ka hmangai che” an mi tî lêt sâng tamin a hlimum a, a ngaithlâk a’n hawi lem bawk. Mang ding khawmin a ropui taluo ka ti hiel.

Chu zet chun leh, iengkim el hi lâwmna ding ruokah ka hmu ta a,

khawsâwt hla khawm ka ta ding chun lâmpui tham an tling ta vawng el.

Hril nuom tam vieu sien khawm la hun hrî phawt sien. Ei zuk hril nuom tak chu, mihriem thilthawtheina a'n sâng pê leh, a lêt tamin Pathien a chungah a lo um pei tî hi a nih. Kan hotupa'n a thilthawtheina (power) hmangin transfer hmu thei lo dingin a mi sawisa a, sienkhawm a lêt sâng tama insângin a chungah Lalpa a lo um zing si a.

Thil tît-umin mi'n huol vêl hlak hai sien khawm, beidawng le lungphâng ding hi ei lo ni nawh. A lêt sâng tamin Lalpa ei Pathien hi a tît-

um lem dai si a. Harsatna lien tak nei inla khawm, a nêka lien lem Pathien a um. Meitei râl lien hrâng sien khawm, tî naw'm ei nîu, ei Pathien lungsen hi a lêt tamin a râwngin a tît-um lem a nih. Tuin am mi do hne thei an t'a?

“Lalpa ringtuhai chu Zion tlâng sukhnîng ruol lo, Kumkhawtluonga um zing ang chu an nih. Tlânghaiin Jerusalem an inhuol vêl angin, Lalpa chu a mîhai vêlah a um hlak, Tuta inthawka kumkhawtluongin.”
(Sâm 125:1-2)

Lalpa'n a thû mawl tea ei suklanghai chu tûl le t̃ha a tî ang takin mal mi sâwmpêk raw se.

HRIL SIETNA KHAWM MALSÂWMNAA INCHANGTIR THEI

~ John L. Pulamte

Mihriem hi inpâk ringawtin a mi siem t̃ha ngai nawh. A châng chu inpâkna nêkin inhril sietna hai hin a mi siem t̃ha lem chawkw hlak. Mânia inng-hat vawng lem chu a nih. Kei a ziektu ngei el khawm hi, a thupuia ei hmang khi a taka lo sawr vêtû lăia pakhat ka nih.

Kei hi ka nâupang lăia inthawkw khan ngal hrât ve deu el hi ka n'a; ka tleirâwl tîr khawmin mâni in nêka khawlâi lêng ngaina lem mî hi ka ni a. Kan thenum khawvêng hai lem chun “Khawlâi lêng a hrât êm el nuhmei khawlâi mî deu el hung nei kuk naw ni'm,” an mi ti hiel. Chun

hril sietna chi dang dang khawm ka dawng rawn. Sienkhawm nuom pâwngpaw theida el lovin, keimaa hin a t̃ha zâwnga thangtlâwmna a hung pieng pha ta a. Dawn lêt el lovin, an mi ring naw tieng daiin an chungah um tumna lungril ka nei pha ta a nih.

Khawlâi lêng chu ka hung

kohran hai khom lo in tiemtir ve ding le chuong ang bokin Laodikei kohran lekha khom lo tiem ve dingin a hril anih (Kol.4:16). Chun Laodikei khuo a hin House Church khom a um ani ti Kolosa ziek boka hin ei hmu thei (Kol.4:15). Kolosa kohran kuoma lekthawhawn kha Laodikei hai ta dinga ziek ve hrim a ni ti khom ei hmu thei bok. Laodikei kohran hai ta ding khomin a hranin a thawna amiruokchu hmu zo a ni ta nawh. Thupuongsuo a kohran 7 hai laia lekthawhawn hih tirko Paula lekthawhawn threnkhat hai anga intrawm tlang ding nisien chu Laodikei kohran lekthawhawn hi Kolosa le Hierapolis haiin an intrawm ngei thei dinga ringtu khom an um a nih.

A lekha thawntu

Isu Krista nina: A lekha-thawntu a hin a thawntu nina chieng takin Ama Krista vekin a hrila, chuonghai chu:

1.Amen: Amen ti thumal hih Ththlung Hluia chun “Thutak Pathien” (The God of truth) Isai 65:16 a mi le khan thumun anih tiin an hrila, 2Corinthians 1:20 a chun “Pathien thutiem chu iengzat khom nisien Kristaa chun “a nih” ti vong anih. Chuleiin Pathien ropuina dingin Isu Krista zara “Amen” ei ti hlak anih” a ti a.

Pathien thutiem popo chu Isu Kristaa chun sukfamkimin a uma, amaa chun ‘a nih’ ei ti hlak ang hin ama bo chun ‘Amen’ hih a um thei

naw a, chuleiin ama chu ‘Amen’ anih ti inla a chieng tak ka ring.

2.Hrepuitu ringum le mi indik: Krista chu ringzo um, inngatna thlak, Pathien thutak hrepuitu ringum anih. A thu hril taphot chu andik anih.

3.Pathien thilsiem popo bul: Krista hih thilsiem ani tina ani nawh. Ama chu iengkim siema um popo bul-pui tak chu a ni lem. Mihriem a nina angin intranna bul nei ani a, Pathien a nina a ruok chu thilsiem popo bul-pui tak chu anih.

Hieng anga a zuk in hril kher nasan hi iem ning a ti aw? Isu Krista hin iengkim a siem a, iengkim a neia, iengkim a thuhnuaia a sie vong anih ti an entir nuom tak niin an lang. Iengkim neitu Isu Krista neilo chu iengkhom nei lo ang hlol ana, khawvel hau-sakna inthuo hner hnur nei sienkhom, mi rimsi, mi pasie ani zing tho a nih, Krista a neinaw leiin.

Bible suizautu (Commentators) threnkhat hai chun Loadikei kohran hi ringnawtu kohran (unsaved church/non-believer church) anga sui khom an uma (John McArthur), threnkhat ruok chun ringtu khom an um ngei dingin an ringa, sienkhom hnungtawl kohran inchang tah ni dingin an ring. A ieng lem lem khom lo nisienla vawisuna eini ringtuhai le Krista la ringnawtuhai ta ding khomin inchuk ding poimaw tak a um thei a nih.

LUM LO DEI LO

~Pastor Steven Lalzarzolien



Chang tlang: Thupuongsuo 3:14-19

“Laodikei kohran vantirko kuoma chun hieng hin ziek rawh: Amen, Hrepuitu Ringum le mi indik, Pathien Thilsiem popo bul chun hieng hin a tih: I thilt-ahwhai ka hriet, I dei naw a, I lum bok nawh; I dei amanij I lum amanih ka dit anih. Dei si lo, lum si loa I lum puot chauh leiin ka baua inthokin peisak ka ti che. ‘Ka hausa a, iengkim ka hau a, tlaksam ka nei nawh’ it I vei a; sienkhom mi rimsi, lungsietum, pasie, mitdel le saruok el I nih ti i’n hriet si nawh. I hung hausak theina dingin, meia rangkachak raw thieng hnung chu ka kuoma inthokin inchaw dingin thurawn ka pek che. I saruokna inzapuim tak inkhumna dingin hak ding zakaw var lei mita I hmu theina dingin mitna damdawi inchaw rawh. Ka hmangai chu zilin ka thunun hlak. Chuleiin ka thu ngai la, sim rawh.”

Thuhma:

Laodikei Kohran Asia Minor a kohran 7 hai laia pakhat ve anih. Isu Krista’n kohran tinhai hi inpakna pakhat bek a nei senga, Laodikei kohran ruok hi chu pakhat khom a nei ve nawh. Inpakna nekin demna ngawt a nih. Kohran pasarihai laia a nuhnung tak a ni a, threnkhat chun hun nuhnung kohran, Isu Krista hung tawma kohran ngirhmun inentirna’n an hmang hlak. Chuleiin ei hrietchieng hi a poimaw takzet a nih.

Laodikei Khuo: Laodikei khuo hih Lycus vadung phairuom a um a nih. A khuo inhnaipui hai chu sak tieng (East) tieng panga Kolosa mel 11 a hla le Hmar tieng panga Hirepolis mel 6 a hla a nih. Filedelphia a inthokin mel 45 vel le, Ephesi a inthokin mel

90 vela hlaa um ni dingin an hril bok. Inhma chun a khuo hming hih Diospolis (City of Zeus) Rhoas tiin Isu hung hma kum zabi pahina lai khan an ko a. 250 BC lai khan Syria lal Antiochus II in a hung runa, a hne hnungin a nuhmei Laodice hming chawiin a tle- ng anih. 133 B.C lai khan Rom haiin an hung awp tran niin an lang.

Laodikei Kohran phuntu: Laodikei kohran hi a phuntu chieng taka hriet ninaw sien khawm, Epaphra, Kolosa kohran phuntu a ngai khan a phun ni dinga ring anih. Tirko Paula’n Kolosa mihai kuoma lekha a thawn khan anni ta ding chau niloin Laodikei khuoa mihai ta ding khomin nasata- ka inrimin sin a thaw hlak thu a zieka (Kol.2:1). Chu chau khom chu niloin an kuoma a lekthawn hi Laodikei

insûm tan ta a, sawrkâr sin hmû ngei tumin lekhabu tha tha dâm chu in- chawin ka tiem tan ta tlut tlut a. Kan in hlak chu a rângva a hlui ta leiin a lum thei êm êm a; a chinin a’n chêp bawk. Isu Gethsemani huona a tawngtâi lâi ang elin, sienkhawm lungngai lei chu ni si lovin ka thlan tui chu a far tûk tûk el hlak.

Zuk hlawtling ng- hâl el naw lang khawm, beidawng lovin competi- tive exam chu a tam thei angin ka pêk ka pêk a. A tâwp a tâwpa chu ka bei- sei le ka phu bâka insâng Lalpa’n sin tha tak a mi pêk ta a nih. Mak ti naw an um nawh. Mi narân êm êm pa kha tû hin chu Lalpa zârin Thlarâu bu semtua dâm ka thang ta a, kei ngei khawmin mak ka la ti tâwp thei nawh.

Mi mi hril sietna hai hi aw nuom pâwngpaw theida hlur el lovin, a tha zâwnga insiem thatnaa hmang t angkâi thei a lo ni tê meu el. Thu var pakhatin, “Phuba lâk dân tha tak chu mâni insiem that hi a nih” a lo ti a, a tha el chau khawm ni lovin, a Pathien thu hlie hlie bawk a nih. Mâni ei in- siem tha a, mi hril setuhai chung a lêng hiel khawpa ei hung inkâng dawk ta

phât chu aw, inzak le muolphoin ei siem ta hlak a nih.

Inpâk hi lâwm bêk bêk ding khawm an’ lê; mihriem ei chapo awl. Inpâk rî hi mâwi hle sien khawm, mihriemin ei ngei bêk nawh. Mî in- dik nawna kâwk ngam si loa inpâk rak el khan tû mihriem khawm siem tha ngai naw nih. Mi sawisêltu le mi hril setuhai bawk ku hin ei tlin nawna le ei tlâk nawna an mi hril hriet lem a, insiem tha nuom hai ta ding chun malsâwmnaa inchang- tir thei a nih. Damdâwi thlum nêkin damdâwi khâ khâ hai ku hi mihriemin ei thatpui lem chawk hlak an’ naw. Chuleiin hla siemtu khawmin,

“Phuba lâk dân
tha tak chu mâni
insiem that hi a
nih”

**“Inpâkna hi ka ta di’n hlêmtu,
Hril sietna ruok chu ka ruol tha,
Tuorna le channa naw chun,
Ringtu nun a’n thang thei nawh.”
a lo ti a nih.**

Lalpa’n a thû mâwl tea ei suklanghai chu tûl le tha a ti ang takin mal mi sâwmpêk raw se.

THLANAH A UM TA NAWH, A THONAWK TAH

~Herbert Lalsanglur



Matthai 28:1-6 ... Mari Magdalin le Mari dang chu thlan en dingin an fe a ... Lalpa vantirko vana inthokin a hung t um a ... vantirko chun, nuhmeihai chu a biek a ... Isu an hemde kha in zong ti ka hriet. Hitaka hin a um ta nawh; a hril ang ngeiin a thonawk ta a nih.

Ei chang thlang anthoka ei zuk suk lang nuom hai chu - Thlan en dingin an fe a; Hitaka hin a um ta nawh; le A thonawk tah ti hi a nih.

THLAN EN DINGIN AN FE A

Mari Magdalin le Mari hin Isu kha an la ngai em em leiin a thlan en dinga fe an nih. Mihriem inngnaina hi a nasa em leiin thina'n a mi the hnung chen khom an thlan ei la ngaina em em hlak. Ei hlawkpui le tangkaipui ding lem chu um der lo a nih. Thlan chu mithi hnung hai zal na chau a ni si a. Hlimna, lawmna, hadamna le muongna mi pe thei tu chu a ni der nawh. Isu Krista'n ei mihriem hlui (suolna) popo thlanah a mi phum hmang pek vong ta a. Amiruokchu, ei mihriem hlui thuomhnaw, ienga tangkaina nei ta lo, hi ei la ngaina bek bek hlak si. A phumna thlan ku kha ei la zuk bel t awk tawk nawk hlak. Ei mihriem hlui thuomhnaw thlakhlai ei in lap rak rak hlak lei ku hin harsatna chi tum tum ei tuok rop hlak chu a nih. Ei bel ding le thlakhla ding tak Isu Krista, hringna thara thonawk ngei kha, uoksak mang si lovin ei mihriem hlui thuomhnaw phum hmangna thlan ngot buoipui-

in hringnun ei hmang zing zing hlak. Chu chun chu harsatna, beidongna, mangangna le sietna chau a min tlun pek rawp hlak si. Ei bel ding le ei innghatna ding tak Pathien tieng en/ ngha zinga kal ei pen chun, ei zong le beisei hlak hlimna, lawmna, hadamna le muongna hai a mi pek pei ding a ni si a. Ei bel ding le innghatna ding tak hriet indik hi a lo va pawimaw ding ngei de!

HITAKA HIN A UM TA NAWH

Isu ruong thlana a lo um ta naw hi thil um ta naw lai po poa thatak le lawmum tak chu ning a tih. Taksa rama chu 'a um ta nawh' hi thil lawmum le ditum a ni der nawh. Sum le pai, fak le dawn, sil le fen hai a um ta naw pha zet chu a mi suk beidong thei em em hlak. Ei t ul le mamaw hai a um ta naw pha chu beidongna le mangangna in a mi sok vel el hlak. Tukhom mani t ul le mamaw hai tlasama hringnun hmang nuom ei um ring a um nawh. Chulei-

HREPUITU

in, 'a um ta nawh' hi thil lawmum le ditum chu a ni thei naw reng reng el a nih. Taksa rama chu hnienghnar taka khawsa thei hi ei nuom le dit tak chu ni seng a tih. Thlarau rama ruok chu 'a um ta nawh' hun hi ei thatna ding le malsawmna ei dong theina ding dam an lo ni lem hlak si. Thlan a Isu ruong a lo um ta naw zet hi chu a va ropui ngei de! A hmu le hrie hmasa tu hai tading chau khom ni lovin, mitin ta dinga thil tha le lawmum bek bek chu a tling tak zet el. Isu ruong kha nithum hnunga khan lo la um zing el sienla chu ei Pathien thu hi ring tlak le zui tlak lo a ni ding si a. Taksa rama thil um ta lo hi chu beidongna le mangangna chau a min tlun pek hlak si a. Isu ruong um ta nawk ruok hin chu hlimna, lawmna le beiseina thar a mi pek lem a nih.

A THONAWK TAH

A lo hril lawk ta ang ngeiin Isu Krista chu nithum hnung ah hringna

tharin a thonawk ta a nih. Ei suolna le bawsietna popo kross ah hung thi pui in, thlanah mi phum hmang pek vong in, thienghlim famkim le hringna tharin a thonawk ta si a. A thina ei inzom pui ta si chun, thienghlim famkim le hringna thara a thonawkna ah khom ei inzom tlat a nih. Rom 6:5 chun a thina angpuia ama leh ei inzom ta si

“Ei suolna le bawsietna popo kross ah hung thi puiin, thlanah mi phum hmang pek vong in, thienghlim famkim le hringna tharin a thonawk ta si a.”

chun, a thonawkna angpui khomin inzom bok ei tih tiin a mi hril. Hringna thara tho in, a Pa kuomah inthungin, a kuomah chatuona ei hringna chu thup in a lo um ta a nih. Kolossa 3:3 chun in thi ta a, in hringna chu Pathiena chun Krista kuomah thupin a um si a tiin a lo hril bok. Hringna thara a thonawkna zarin chatuona hringna ei chang el chau ni lovin, Pathien nauhai ah inbuk in ei um

ta a. A chatuon ro hlu pui tu ding hai ei lo ni ta si a. A thonawkna hin ringtu hai tadinga beiseina thar mi petu a lo ni tak meu el. A va ropui em em ngei de!

HREPUITU